

INFO - Stage schurnalistic

Introducziun

Schurnalistas e schurnalists da lingua rumantscha cun ina buna scolaziun ed experientscha da far medias èn dumandads. Perquai porscha RTR mintg'onn minimum ina piazza da stage schurnalistic. La scolaziun unica en lingua rumantscha sa drizza a personas cun grond interess schurnalisticas che vulan lavur en chasa RTR e pli tard forsa era en ina redacziun regionala.

Cundiziuns e survista stage

Il stage schurnalistic tar RTR cumpiglia ina buna scolaziun complementara durant 2 onns (90 dis scola) e la pussaivladad da cuntanscher il diplom schurnalistic (Diplom Ausbildung Journalismus/DAJ) al MAZ. Las cundiziuns èn:

- vegliadetgna min. 20 onns, emprendissadi, matura gimnasiala u professiunala, studi u scolaziun equivalenta, bunas conuschientschas d'in idiom rumantsch, d'avantatg experientschas schurnalisticas
- ademplier las pretensiuns da recepziun RTR: prender part al "lavoratori far medias", persvader cun il dossier ed en il discurs personal, buns resultats en il test da personalitad e qualificaziun concernent: savida generala, expressiun e cumpetenzza linguistica, test da microfon
- absolver in praticum da 6 mais en chasa RTR che cumpiglia ina part da la scolaziun da basa ed in sustegn personal per la preparaziun dals examens d'admissiun al MAZ (elavurar il dossier d'annunzia pel MAZ: curriculum vitae, text da motivaziun, video, 2-3 contribuziuns publitgads, cumprova d'engaschament durant la scolaziun)
- reussir l'examen d'admissiun al MAZ, che ha lieu mintgamai il november, per retschaiver in contract definitiv da stagiaire
- absolver la scolaziun interna, externa ed individuala sco stagiaire (emprender differentas furmas da far contribuziuns per radio e multimedia, visitar redacziuns da SRG SSR ed autras chasas da medias u studios regionals)

Durant il stage vala in engaschament a temp cumplain. Concernend il temp da lavur vegn spetgà ina gronda flexibilitad (fins d'emna, dis da festas). In engaschi pro RTR suenter il stage na vegn betg garantì ma è pussaivel.

RTR porscha durant il stage ina scolaziun da basa schurnalistica interna, in tutoriat professiunal ed ina contribuziun vi dals custs dal MAZ.

Finamira

Emprender la professiun schurnalistica e publicistica on the job ed off the job. Quai vul dir, producir contribuziuns che vegnan emessas – uschia che stagiaires valan gia durant il stage adina dapli sco schurnalistas e schurnalists furmads.